



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sponsvs Sangvinvm

Zachmoorter, Michiel

T'Antwerpen, [1641]

Affectie. Vierde deel der Meditatie.

urn:nbn:de:hbz:466:1-35954

126 Den Bloed. Bruyd. vertoont.
lyckste / schandelyckste / bitterste /
smaedelyckste dootd sullen sy hem
aen-doen / want hy is tot haren
wille ghelebert.

Affectie.

Vierde deel der Meditatie.

A Enghesien dat uwen verlosser
u soo bemindt heeft / o mijn
ziele ! dat hy om u sijne liefde te
betooghen / gheen deel van sijn
lichaem ende ziele ghespaert en
heeft / oft 'ten is al ghesteit ghe-
weest in uiterste perisse ende pijn
om uwent wille ? wat en zijt ghy
niet schuldigh hem weder te
gheben tot vergeldinghe ende be-
kentenisse ? Siet ghy niet het
bloedt vloeyen wt ghesheel sijn
lichaem / het welck maer een won-
de gheworden is om u te ghenesen ?
sijn hoost druypt oock bloedt van
alle syden / sijn ooren zijn vol van
het eysschelyck roepen van sijn
vanden; Cruyst hem , Cruyst hem
ende sijn ooghen vol van tranen
moeten sien dat volck / 't welck hy
soo bemint hadde / teene-mael ont-
steken

steken om sijn doot te begheeren
 ende te verhoorden. O mijn ziele
 aenmerckit eens wel in wat groo-
 te bangigheyt ende benaetheyt
 moeste als doen wesen het minne-
 lijk herte utos heminden! welc-
 hen naer soo veel weldaden aen dit
 volck beuosen / niet eenen mensch-
 en bindt die hem soude vertroo-
 sten / maer banden meesten tot den
 minsten / elck pijnicht ende ver-
 ducht hem. Want siet / van d'een
 syde Pilatus die hem ter doot
 verwijst / van d'ander syde de heu-
 len die hem houden ghecoort ende
 gebonden booz een volck / 'twelck
 tiert ende roept datmen hem creu-
 cen soude. Ende dit is noch al
 bupten hem / want aengaende sijn
 nen persoon / hy siet hem selven den
 allendighsten ende catighisten
 die leeft / obergoten met wonden /
 seeren / ende beschaeintheydt / een
 verbijt der menschen / ende ver-
 woopinghe des volcks geworden /
 ende 'tgene hem noch aldermeest
 beswaert / is / dat al de ghene die
 hy siet / in de plaetse van hunc

128 Den Bloed. Bruyd. vertoont
salighejdt te soecken / dooz de ver-
diensten sijns lijdens / dat sy ter
contrarien vermeerderen hunne
verdoemenisse. Maer niet-tegen-
staende al dat / niet en can hem
woederhouwen van te verbolghen
het werck uwer salighejdt / we-
ghende boben al uwe verloffinghe.
Ende sult ghy soo ondanckbaer
ende soo onghetrouw wesen / o
mijn ziele ! dat ghy hem sult ver-
laten om te voldoen aen uwe hoo-
beerdighejdt / aen uwe sinnelijck-
hejdt / aen uwe quade lusten ? Sal
u herte wel soo onbekentsaem we-
sen / dat ghy sult comen segghen
met de bloedt-gierighe Joden / wy
en hebben gheenen anderen Co-
ninck dan Cesar ofte den Keeser /
wy en willen Jesum Christum
niet hebben vooz onsen Coninck ?
Neen / neen mijn ziele / en zijt soo
dwaes niet. Die wilt kieser Cesar
ofte de wereldt om die te dienen /
ghy sult mijnen Coninck wesen /
o Christe Jesu ! u aen-bidde ick /
ende roepe tot alle creaturen om
met my u te bekennen / ende u alle

eere

eere aen te doen vooz alle dese ver-
 maedtheden. **O** begheere ick te
 dienen / onder uwe gheboden te
 staen / u in als te volghen / dooz
 wat wegh u belieft mi te leyden.
Ghy sult voort-aen mijnen Co-
 ninck wesen / ende niemant an-
 ders / u draghe ick op / mijn ziele /
 mijn lichaem / al dat ick hebbe /
 ende al dat mi aen gaet / dat het
 al wese t'uwen dienste.

Oppersten Coninck! o Rech-
 ter van levende ende van dooden!
 het onrechtveerdigh oordeel van
 Pilatus die u verwesen ende ghe-
 lebert heeft om ghecrupst te wesen
 hadde ick verdient / maer als't u
 immers belieft heeft dit oordeel
 t'onderstaen om mijnent wille /
 gheeft mi soo te leven / soo uwe
 Conincklijcke Mastepdt te die-
 nen / dat ick het oordeel vande eeu-
 wighe verdoemenisse magh ent-
 gaen / dat ghy rechtveerdelijck
 een sult uyt-spreken teghen den
 gheene die uwe goetheydt hier niet
 waer en nemen. Gheeft oock sulck
 leven aen mijn vrienden ende mij-

130 Den Bloedigen Bruydegom
nen naesten / bysonderlijck bidde
ick vooz de ghene daer ick meest
schuldich ben vooz te bidden. Ick
wille oock luttel achten de oordee-
len vande menschen / als ghy soo
qualijch ge-oordeelt zijt gheweest.
Alleene vart uwe oordeelen ben ick
bebreest / maer werckt soo in my
ulven Goddelijcken wille / dat ick
de selve niet te vreesen en hebbe /
maer met betrouwen een goet
vonnisse mach verwachten.

D E N W E C H .

CHristus is uyt het Paleys van
Pilatus voort-gheleydt geweest
ter plaetsen des Cruys-draginghe.
lanckx eenen ganck van 26. treden

*Hier beghint den Bloedighen wegh
anders genoemt. VIA DOLOROSA, die
onsen BLOEDIGEN BRUYDEGOM ge-
laden met sijn Cruys, met bloedige voe-
ren begaen heeft, verdragende om onsent
wille d'aldermeeste pijn ende schande*

DE